

in qua maiorum eius titulus eminebat, omnem hanc materiam cuiusdam taciti favoris defloravit orator, quasi ea non monumentum familiae suae P. Clodius habuerit, sed quoddam scelerum devorsorium, in qua occidisse Marcum
 5 etiam Papirium videbatur, equitem Romanum, eo scilicet tempore, quo decertatio ibidem <inter> Pompeianos et ipsius factionem commissa est. Cum per fraudem emisisset e custodia Tigranis filium nuper ex Armenia per Cn. Pompeium sorte captivitatis abductum eique potestatem dis-
 10 cedendi liberam permisisset, videtur e numero Pompeianorum M. Papirius interemptus.

Conprehensus est in templo Castoris servus § 18.
 P. Clodii, quem ille ad Cn. Pompeium interficiendum conlocaverat.

15 Moventer hoc exemplo utitur nec sine aculeis invidiae ...
 (*Desunt II paginae.*)

... esse testatur, quomodo iustitiae cultor sit. § 22.

Dederas enim, quam contemneres populares insanias, iam inde ab adolescentia documenta
 20 maxima.

... Orationem converterat ad L. Domitium quaesitorem. Cuius animum sine dubio ut efficacius Miloni adiuvando conciliaret adversus impetum seditiosorum, comonefecit eum constantiae suae, cuius exempla edidisse
 25 nuper in adolescentia videbatur. Nam cum C. Manilius post annum tribunatus sui, quem turbulentissime gesserat, causam de maiestate dicturus esset accusante Cn. Minucio, id egit, ut per multitudinem conspiratam obsideret eundem Cn. Minucium accusatorem suum. Cui obsessio auxi-